



Gaute Vaage
Vågsvegen 68
5450 SUNDE I SUNNHORDLAND

Løyve til utsetting av sitkagran på gnr. 151 bnr. 1 og 2 i Kvinnherad kommune

Gaute Vaage får løyve til utsetting av sitkagran på gnr. 151 bnr. 1 og 2 i Kvinnherad kommune. Det er knytt vilkår til løyvet.

Vi viser til søknad datert 10. mai 2017 om utsetting av sitkagran på gnr. 151 bnr. 1 og 2 i Kvinnherad kommune. Den 6. juni var representantar frå Fylkesmannen og kommunen på synfaring saman med Ivar Vaage, som representerte grunneigar.

Innhald i søknaden

Det er søkt om å plante 4000 tre på eit 16 dekar stort område på gnr. 151 bnr. 1 og 2. Feltet er produktivt skogareal som er avverka etter hogst. Tidlegare stod det gran, lerk og sitkagran i plantefeltet. Opphaveleg var området myrlendt, men vart grøfta i perioden 1958-1960. Myra ligg i ein dal i retning nord-sør. I dalsidene rundt myra har det stått gran. Rådande vindretning er oppgitt til vest, sørvest og nordvest. Søkjar har opplyst at han ikkje kjenner til sårbare eller trua artar eller naturtypar i nærleiken av utsettingsområdet. På grunn av at utsettingsområdet ligg i ein liten dal med bratte dalsider meiner søkjar at det ikkje er særleg fare for spreiding frå plantefeltet.

Under synfaringa gjorde søkjar merksam på at problem med fuktig mark og rotvelter er grunnlag for ønsket om å bruke sitkagran framfor norsk gran i det aktuelle området.

Fylkesmannens vurdering

Søknaden er handsama etter Forskrift om utsetting av utanlandske treslag til skogbruksformål, med heimel i naturmangfaldlova. Planting av utanlandske treslag til skogbruksformål kan berre tillatast dersom det ikkje er grunn til å anta at utsettinga vil ha vesentlege uheldige følgjer for naturmangfaldet, jf. utsettingsforskrifta § 7. Dei miljørettslege prinsippa i naturmangfaldlova §§ 8-12 skal ligge til grunn ved alle avgjerder som kan røre ved naturmangfaldet, jf. naturmangfaldlova § 7. Vurderingane skal kome fram av vedtaket.

Til grunn for handsaminga ligg kunnskap om sitkagran frå Artsdatabanken og DN-utredning 8-2012, informasjon om kartlagde naturtypar og registrerte, sårbare artar frå Artskart og Naturbase, i tillegg til inntrykk frå synfaringa, jf. naturmangfaldlova § 8. Vår vurdering er at dette dannar eit godt grunnlag for å fatte eit vedtak, og føre-var-prinsippet i naturmangfaldlova § 9 blir difor tillagt lite vekt.

Sitkagran er eit kysttreslag som finst naturleg i eit belte langs Stillehavskysten frå California til Alaska. Treslaget kan sette frø tidleg, allereie så tidleg som 15-20 års alder for enkeltstilte tre med gode vekstvilkår. I Sør-Noreg kan det vere rike frøår med 3-4 års mellomrom¹. I svartelista er sitkagran plassert i kategorien *svært høg risiko*. Dei økologiske effektane av sitkagran er knytt til attgroing av areal som elles ville blitt kolonisert av furu og lauvtre. Arten har høgt potensiale for spreining til kystlynghei og andre kulturprega, tørre areal, som til dømes gamal beitemark. Sitkagran har lette, vindspreidde frø med har stort potensiale for langdistansespreiing. Når ein art er oppført med svært høg risiko i svartelista skal det vere høg terskel for å tillate ei utsetting. Generelt kan ein berre tillate slike utsettingar dersom det er minimal risiko for spreining².

Det planlagde utsettingsområdet er eit avverka plantefelt der det tidlegare stod gran, lerk og sitkagran. Utsettinga skal skje på botnen av ein dal, omgitt av gran i dalsidene. Heile det kringliggjande området er prega av skogproduksjon og utsettingsområdet er del av ein over 320 daa stor, samanhengande planteskog. Utsettingsområdet ligg skjerma til, og det er difor liten fare for uønskt langdistansespreiing frå feltet. Det er ikkje registrert trua eller sårbare artar eller naturtypar i eller rundt utsettingsområdet, og vår vurdering er at planting av sitkagran i dette feltet vil ha låg innverknad på den samla belastninga økosystemet er utsett for, jf. naturmangfaldlova § 10.

Kostnadane ved miljøforringing skal berast av tiltakshavar, jf. naturmangfaldlova § 11. I denne samanheng legg vi vekt på at spreingsfaren frå feltet er liten, og at eventuell uønskt spreining kan handterast gjennom vilkår til løyvet. Rett nord for det planlagde feltet er det eit lite parti med svartorskog og litt furuskog før ein kjem til busetnaden ved Øvre Røyrvik. Her er òg nokre opne parti etter hogst. Søkjar må vere spesielt merksam på potensialet for spreining av sitkagran til dette området.

For å avgrense skadar på naturmangfaldet skal ein ta utgangspunkt i teknikkar, driftsmetodar og lokalisering som gir dei beste samfunnsmessige resultat, jf. naturmangfaldlova § 12. Vi vektlegg at utsettinga er planlagt i eit etablert område for skogproduksjon, at spreingsfaren er liten, at det ikkje er registrert spesielle miljøverdiar i nærleiken, og at søkjar berre vil bruke sitkagran som eit alternativ til norsk gran på den mest fuktige delen av eigedomen. Her har det tidlegare vore problem med rotvelter av norsk gran, og sitkagran vil kunne tole dei fuktige tilhøva betre. Når vi vektfordelane ved bruk av sitkagran på dette arealet opp mot ulempene, meiner vi at sitkagran vil kunne gi det beste samfunnsmessige resultatet.

Etter ei samla vurdering meiner vi at det ikkje er grunn til å anta at utsettinga vil ha vesentlege uheldige følgjer for naturmangfaldet og Gaute Vaage får løyve til utsettinga, jf. utsettingsforskrifta § 7.

¹ Kriteriedokumentasjon for sitkagran i svartelista: www.artsdatabanken.no/fremmedearter/

² Veileder til forskrift om utsetting av utenlandske treslag til skogbruksformål, 1. okt. 2012

Vedtak

Gaute Vaage får løyve til utsetting av 4000 sitkagran på gnr. 151 bnr. 1 og 2 i Kvinnherad kommune på følgjande vilkår:

- Løyvet gjeld området avmerkt på kartvedlegget til søknaden.
- Eventuell spreiding av sitkagran skal fjernast inntil 100 meter rundt feltet.
- Skogeigar skal utarbeide plan for internkontroll som skal visast fram ved eventuelle tilsyn, jf. § 10 i Forskrift om utsetting av utanlandske treslag til skogbruksformål
- Alle tre skal hoggast ved hogstmoden alder.
- Etter hogst må alt nytt oppslag av sitkagran fjernast innan fem år dersom arealet ikkje blir planta att med sitkagran
- Ved avvik frå vilkåra til løyvet eller forskrifta kan ansvarleg mynde oppheve, endre eller sette nye vilkår til løyvet i samsvar med naturmangfaldlova § 67.

Løyvet er gyldig i tre år frå den dato det er gitt.

Klagefrist

Dette er eit enkeltvedtak som kan klagast på innan tre veker, jf. forvaltningslova §§ 28 og 29. Klagen skal stilast til Miljødirektoratet, men sendast til Fylkesmannen i Hordaland.

Med helsing

Kjell Kvingedal
miljøvernssjef

Jørgen Aarø
rådgjevar

Brevet er godkjent elektronisk og har derfor inga underskrift.